

61 Surgens verò Ribka & puellæ ejus, in federunt camelis, ut sequerentur virum illum: acceptâq; servus ille Ribkâ abiit.

62 Jitzchak autem veniebat ex ambulatione ad puteum Lachai rôï: (nam ipse habitabat in regione meridiana *Cenahanæ*.)

63 Quò egressus erat Jitzchak ad meditandum in agro, appetente vesperâ: quúm; sublatis oculis suis respiceret, ecce camelos venientes.

64 Ribka verò sublatis oculis suis quum videret Jitzchakum, dejecit se de camelo.

65 Quum illa dixisset servo, Quisnam est vir ille, qui ambulat in agro obviam nobis? servusque dixisset, is est dominus meus: & accepto peplo operuit se.

66 Tunc enarravit servus ille Jitzchako omnes res quas fecerat.

67 Et introducens eam Jitzchak in tentorium illud quod fuerat Saræ matris suæ, accepit Ribkam ut esset sibi uxor, & amavit eam: sic consolatus est se Jitzchak post obitum matris suæ.

*Eventa petitionis servi Abrahamæ narrantur quindecim.*

1 Consensus Bethuelis & Labanis, v. 50. 51.

2 Servi Abrahami gratiarum actio ad Deum, v. 52.

3 Munera data Rebecca, itemq; fratri & matri ejus, versu 53.

4 Convivium & pernoctatio, v. 54.

5 Petitio dimissionis, ibid.

6 Exceptio fratris & matris Rebecca, v. 55.

7 Iteratio petitionis, v. 56.

8 Consensus Rebecca, v. 57. & 58.

9 Dimissio, v. 59. & 60.

10 Discessus, v. 61.

11 Occursus Isaaci, v. 62. & 63.

AA v